

- GRAVÉ DAN WOCH -

Menm si tousa nou viv pa té an kont de fée,  
Sa pa té penn an blé.  
An chanm lotel sé pa an fwayé,  
Sé sa nou yé ki ka fèy ekzisté.    Nou ka fèy ekzisté...

Menm si nou sav sa nou ni pa solid,  
Fo nou pwotéjéy pou nou sa rann-li pli fò.  
É si niyaj séré soley-nou,  
Sonjé an ti labriz pé fèy viré.    Viré...

Jòdi tou sa mwen pé espéré  
Ou santi kò-w muens sel,  
Lè nou ni an moman pou nou ansanm.  
Paskè sa ki ni ant nou,  
Fo sa matjé, gravé dan woch...

Refrain :

Nou maré pou an bon moman    Sa gravé dan woch  
Si nou séparé, sé pa pou lontan    Sa gravé dan woch

Nou ka rivé partajé,  
Ka menm rivé séparé tristès an dé.  
Si dèmen ni dot rézon pléré,  
Fo nou rété ansanm pou espéré    ...Nou pé tjenbé

*Si desten trasé chimen ba nou,  
Nou sav la nou lé rivé.  
Nou kon diaman séré dan an bel lékren.  
Tou sa pati di ayen, mé i matjé, gravé dan woch...*

### *Refrain*

*(- Kon an bijou ki pann an kou-nou  
- Fos lanmou-nou kay fèy kléné  
- Menm si koulè-y pé chanjé touléjou  
- Nou kay tjenbé, tjenbé si nou ka kwè an nou)*

*Jòdi tou sa mwen pé espéré  
Ou santi kò-w mwens sel,  
Lè nou ni an moman pou nou ansanm.  
Paskè sa ki ni ant nou,  
Fo sa matjé, gravé dan woch.  
Si desten trasé chimen ba nou,  
Nou sav la nou lé rivé.  
Nou kon diaman dan an bel lékren.  
Tou sa pati di ayen mé gravé dan woch.*

*Sa gravé dan woch  
Sa nou ka viv, sa ki ni ant nou,  
Sa gravé dan woch  
Sa matjé, gravé dan woch...*